

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu
Broj: 04-11-1256/26-AP-4
Datum: 27.07.2026. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	28 -07- 2026		
Org. jed.	Kl. zna.	Red. broj	Br. priloga

STRUČNA SLUŽBA GRADONAČELNICE

Veza Vaš akt, broj: 02-11-1290/26-AP-3 od 16.07.2026. godine

PREDMET: Dorađen nacrt Odluke o sufinansiranju vantjelesne oplodnje mladim bračnim parovima, dostavlja se.

U prilogu akta dostavljamo Vam dorađen nacrt Odluke o sufinansiranju vantjelesne oplodnje mladim bračnim parovima.

S poštovanjem,



PO RJEŠENJU GRADONAČELNICE,
broj: 02-04-1190/26-AP-3 od 01.07.2026.godine,
Viši stručni saradnik za ruralni razvoj

Amir Mahmutović, dipl. ecc.

Dostavljeno:

1. Naslovu;
2. U spis.

Akt pripremila: Nadina Mehinagić, dipl.pravnik



Broj: _____/26-AP
Datum: _____ 2026. godine

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 25. i 105. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Gradsko vijeće Grada Zavidovići, na ____ . sjednici održanoj dana ____ .2026. godine, donosi

O D L U K A

o sufinansiranju troškova vantjelesne oplodnje mladim bračnim parovima

DIO I – OPĆE ODREDBE

Član 1. (Predmet odluke)

Ovom Odlukom uređuju se uslovi, kriteriji, način i postupak ostvarivanja prava na finansijsku pomoć za sufinansiranje troškova vantjelesne oplodnje (biomedicinski potpomognute oplodnje) za mlade bračne/vanbračne parove na području Grada Zavidovići

Član 2. (Cilj Odluke)

Cilj ove Odluke je pružanje podrške mladim bračnim/vanbračnim parovima u rješavanju problema neplodnosti, poboljšanje demografske slike i podsticanje nataliteta na području Grada Zavidovići.

DIO II – KORISNICI PRAVA

Član 3. (Pravo na pomoć)

Pravo na finansijsku pomoć mogu ostvariti bračni/vanbračni parovi koji ispunjavaju sljedeće uslove:

- a) da su u braku ili vanbračnoj zajednici,
- b) da najmanje jedan supružnik ima prebivalište na području Grada Zavidovići najmanje jednu godinu prije podnošenja zahtjeva,
- c) da postoje medicinske indikacije za vantjelesnu oplodnju, potvrđene od strane ovlaštene zdravstvene ustanove,
- d) da nisu ostvarili pravo na neograničen broj pokušaja na teret sredstava obaveznog zdravstvenog osiguranja.

DIO III – SUFINANSIRANJE I NAMJENA SREDSTAVA

Član 4. (Visina pomoći)

Grad Zavidovići će sufinansirati troškove vantjelesne oplodnje, a visina sufinansiranja odredit će se posebnom odlukom.

Član 5. (Namjena sredstava)

Sredstva se odobravaju za pokriće troškova:

- a) medicinskih procedura vantjelesne oplodnje,
- b) lijekova i terapija,
- c) dijagnostičkih postupaka vezanih za postupak.

DIO IV – POSTUPAK OSTVARIVANJA PRAVA

Član 6. (Javni poziv)

Gradonačelnica raspisuje javni poziv za podnošenje zahtjeva, koji se objavljuje na službenoj web stranici i oglasnoj ploči Grada Zavidovići.

Član 7. (Sadržaj javnog poziva)

(1) Finansijska sredstva.

a) Finansijska sredstva za sufinansiranje troškova vantjelesne oplodnje obezbjeđena su Budžetom Grada Zavidovići - Tekući transfer za pomoć mladim bračnim parovima za vantjelesnu oplodnju .

(2) Kriteriji za ostvarivanje prava na sufinansiranje troškova vantjelesne oplodnje su:

- a) da je žena koja podnosi zahtjev u bračnoj/vanbračnoj zajednici;
- b) da oba bračna/vanbračna partnera imaju prebivalište na području Grada Zavidovići najmanje godinu dana od dana podnošenja zahtjeva;
- c) da se trudnoća ne može postići drugim načinima liječenja, nego samo u postupku vantjelesne oplodnje;
- e) da je potrebno uplatiti ili je već u tekućoj godini izvršena uplata za postupak vantjelesne oplodnje koji je u toku, u nekoj od faza ili za ciklus koji treba da počne.

(3) Potrebna dokumentacij:

- a) uvjerenje o kretanju za oba bračna/vanbračna partnera (izdaje MUP, Odsjek za administraciju Zavidovići);
- b) izvod iz matične knjige vjenčanih/izjava o vanbračnoj zajednici;
- c) nalaz/dokaz za potrebe liječenja neplodnosti metodama vantjelesne oplodnje, izdat od

nadležne ginekološko-akušerske klinike ili specijaliste ginekologije koji se bave humanom reprodukcijom u javnoj ili privatnoj zdravstvenoj zaštiti za žene;

- d) Predračun, račun ili dokaz o uplati sredstava za postupak vantjelesne oplodnje koja je u toku ili se pokreće;
- e) potvrda iz banke o otvorenom bankovnom računu na ime podnosioca zahtjeva.

(4) Dodjela sredstava.

- a) Po svakom pojedinačnim zahtjevu Služba za upravu društvenih djelatnosti, pitanja boraca i opću upravu odlučuje rješenjem o odobravanju/ne odobravanju sredstava za sufinansiranje troškova vantjelesne oplodnje na osnovu i u skladu sa uslovima iz ovog Javnog poziva, uz pouku o pravnom lijeku.
- b) Novčani iznos sufinansiranja postupka po jednom bračnom paru, za prvi i drugi ciklus u tekućoj godini utvrđuje se posebnom Odlukom o visini sufinansiranja iz člana 4. ove Odluke.
- c) Sredstva se ne mogu odobriti kao refundiranje troškova završenog ciklusa vantjelesne oplodnje bez obzira što je isti bio ili je okončan prije objave javnog poziva u tekućoj godini.

(5) Rok za dostavu prijave i podnošenje prijave

- a) Prijave sa potrebnom dokumentacijom, koja mora biti originalna ili ovjerena kopija, se mogu podnijeti neposredno nakon objave Javnog poziva putem Pisarnice Grada Zavidovići ili putem pošte na adresu Grada Zavidovići: Ulica Mehmed paše-Sokolovića broj 9, 72220 Zavidovići na propisanom obrascu zahtjeva, koji se može preuzeti na info pultu zgrade Gradske uprave Zavidovići i na WEB stranici Grada Zavidovići.
- b) Javni poziv bit će otvoren tokom tekuće godine do utroška sredstava sa predmetnog Transfera.

(5) Razmatranje prijave

- a) Pristigle prijave razmatrat će Služba za upravu društvenih djelatnosti, pitanja boraca i opću upravu, te uredno podnesene i potpune prijave sa prijedlogom Rješenja o odobravanju sredstava uputiti Gradonačelnici Grada Zavidovići u dalju proceduru.

DIO V – NADZOR I NAMJENSKO TROŠENJE

Član 8. (Kontrola)

Korisnici su dužni dostaviti dokaz o namjenskom utrošku sredstava u roku od 15 dana od dana završetka postupka.

Član 9. (Povrat sredstava)

U slučaju nenamjenskog trošenja sredstava, korisnik je dužan izvršiti povrat dodijeljenih sredstava u Budžet Grada.

DIO VI – ZAVRŠNE ODREDBE

Član 10.
(Stupanje na snagu)

Ova Odluka stupa na snagu osmog dana od dana objavljivanja u Službenom glasniku Grada Zavidovići.

PREDSJEDAVAJUĆI
GRADSKOG VIJEĆA

Amira dr. Hadžić, spec.radiolog

O B R A Z L O Ž E N J E

1. USTAVNOPRAVNI I ZAKONSKI OSNOV ZA UVOĐENJE ODLUKE

Članom 25. Statuta razrađene su nadležnosti Gradskog vijeća u okviru samoupravnog djelokruga rada Grada, kojim je propisano da Gradsko vijeće donosi opće akte iz nadležnosti lokalne samouprave, uključujući mjere socijalne i demokratske politike. Jedinice lokalne samouprave imaju pravo planirati i realizovati budžetska sredstva za podršku stanovništvu, u skladu sa zakonima Federacije BiH.

2. RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Odluka se predlaže radi pružanja finansijske pomoći mladim bračnim/vanbračnim parovima koji se suočavaju sa problemom neplodnosti. Time Grad Zavidovići provodi mjere pronatalitetne politike, podržava porodicu i doprinosi stvaranju povoljnih uslova za zasnivanje i proširenje porodice.

Neplodnost predstavlja sve izraženiji zdravstveni i društveni problem, a troškovi postupka vantjelesne oplodnje su visoki i često nedostupni velikom broju mladih bračnih parova.

Postojeći sistem zdravstvenog osiguranja ne pokriva u potpunosti sve troškove ili ograničava broj pokušaja, zbog čega se javlja potreba za dodatnom podrškom na lokalnom nivou.

Grad Zavidovići, kroz ovu Odluku:

- pruža konkretnu finansijsku pomoć,
- doprinosi demografskoj obnovi,
- prati praksu drugih lokalnih zajednica u BiH i regionu.

3. FINANSIJSKI EFEKTI

Za realizaciju ove Odluke sredstva će se obezbijediti u Budžetu Grada Zavidovići
Tekući - transfer za pomoć mladim bračnim parovima za vantjelesnu oplodnju.

4. DRUŠTVENI ZNAČAJ

Donošenjem ove Odluke Grad:

- jača pronatalitenu politiku,
- pruža podršku mladim porodicama,
- utiče na dugoročni razvoj lokalne zajednice.

GRADONAČELNICA

mr.iur.Erna Merdić Smailhodžić

Akt pripremila:

Nadina Mehinagić

Akt pregledao:

Amir Mahmutović

Akt pregledao:

Nermin Čahtarević